

Z A P I S N I K

sa 3. sjednice Gradskog vijeća Bihać održane 04.02.2021. godine (četvrtak) s početkom rada u 9:00 sati u gradskoj vijećnici Grada Bihaća

Predsjedavajući, Zulfikar Handukić, otvara sjednicu Gradskog vijeća i konstatira da je na sjednici prisutno 29 vijećnika, napominjući da je vijećnik Bašagić Edin opravdao svoje kašnjenje na sjednicu Gradskog vijeća.

Predsjedavajući daje na razmatranje i usvajanje zapisnike sa 1. (prve) konstituirajuće i 2. (druge) vanredne sjednice Gradskog vijeća.

Zapisnik sa 1. (prve) konstituirajuće sjednice Gradskog vijeća usvojen je jednoglasno, (29 glasova „ZA“).

Zapisnik sa 2. (druge) vanredne sjednice Gradskog vijeća usvojen je jednoglasno, (29 glasova „ZA“).

Nakon usvajanja zapisnika, vijećnik Asmir Budimlić iznosi probleme s kojim se u radu susreću zaposlenici JP „RTV Bihać“ d.o.o. Bihać, te traži održavanje tematske sjednice u roku od sedam dana od dana održavanja sjednice Gradskog vijeća.

Za današnju sjednicu Gradskog vijeća predložen je sljedeći:

D n e v n i r e d

1. a) Izvještaj o izvršenju Budžeta Grada Bihaća za period 01.01. – 30.06.2020.godine
- b) Informacija o trošenju Tekuće rezerve za period od 01.01. – 30.06.2020.godine
- c) Izvještaj o izvršenju Budžeta Grada Bihaća za period 01.01. – 30.09.2020.godine
- d) Informacija o trošenju Tekuće rezerve za period od 01.01. – 30.09.2020.godine
2. Prijedlog Odluke o kratkoročnom zaduživanju Grada Bihaća za 2021.godinu
3. Prijedlog Rješenja o izboru i imenovanju Kolegija i stalnih radnih tijela GV
 - a) Kolegij
 - b) Administrativna komisija
 - c) Komisija za prostorno uređenje i zaštitu okoliša
 - d) Komisija za rad, zdravstvo i socijalnu politiku
 - e) Komisija za obrazovanje, kulturu, sport i mlade
 - f) Komisija za lokalnu samoupravu
 - g) Komisija za žalbe

- h) Komisija za predstavke i prijedloge
 - i) Komisija za odlikovanja i priznanja
 - j) Komisija za ljudska prava i ravnopravnost spolova
 - k) Etička komisija
 - l) Komisija za sigurnost i regulaciju saobraćaja Grada Bihaća
 - lj) Prijedlog Rješenja o razrješenju i imenovanju predsjednika i članova Komisije za rukovođenje tajnim glasanjem
 - m) Prijedlog Rješenja o razrješenju i imenovanju člana Statutarne komisije.
4. Prijedlog Odluke o usklađivanju Odluke o osnivanju Turističke zajednice Grada Bihaća sa zakonom
 5. Prijedlog Odluke o pokretanju procedure i postupku imenovanja na poziciju Sekretara Gradskog vijeća Bihać
 6. Prijedlog Programa rada Gradskog vijeća Bihać za 2021.godinu

Predsjedavajući otvara raspravu po predloženom dnevnom redu današnje sjednice.

Vijećnik Hasan Babić - predsjednik Komisije za izbor i imenovanja

Predlaže dopunu dnevnog reda, na način da se u dnevni red iza tačke k), uvrsti tačka

- l) Prijedlog Rješenja o razrješenju i imenovanju člana Komisije za rukovođenje tajnim glasanjem, te analogno tome da se ostale tačke pomjere za jedno mjesto naprijed.

Presjedavajući Gradskog vijeća predloženu dopunu dnevnog reda i dnevni red daje na usvajanje.

Predložena dopuna dnevnog reda usvojena je jednoglasno sa 29 glasova ZA.

Predsjedavajući Gradskog vijeća daje na glasanje dnevni red današnje sjednice.

Predloženi dnevni red usvojen je jednoglasno sa 29 ZA.

Predsjedavajući Gradskog vijeća otvara aktuelni sat.

AKTUELNI SAT

Vijećnica Konjević Rasmira

U svom izlaganju uvažena vijećnica se osvrnula na 15. februar kao „Međunarodni dan djece oboljele od malignih bolesti“, te iznijela slijedeće:

„ Obilježavanjem ovog datuma želi se iskazati potreba za ulaganjem zajedničkih napora društva, kako bi oboljevanje od raka u dječijoj dobi postalo nacionalni i globalni zdravstveni prioritet. Pored toga, ovaj datum nas obavezuje da dajemo podršku roditeljima

koji imaju djecu oboljelu od malignih bolesti. Djeca trebaju imati pravo na realizaciju blagovremenog postavljanja tačne dijagnoze i pristup lijekovima koji im spašavaju život. Smatram da postoji identifikovana nejednakost u preživljavanju djece oboljele od raka, koji žive u razvijenim zemljama u odnosu na nerazvijene zemlje. Rak nije samo bolest djeteta već i cijele porodice. Vlasti Unsko-sanskog kantona i Grada Bihaća prepoznali su značenje roditeljske kuće za roditelje oboljele djece, te iz tog razloga smatram da i mi, sa ovih mjesta, moramo dati doprinos i raditi na unapređenju adekvatnog liječenja djece oboljele od ovih bolesti.“

Vijećnik Asmir Budimlić

Uvaženi vijećnik iznio je probleme s kojim se susreću zaposleni u JP „RTV Bihać“ d.o.o. Bihać, te je predložio da se u roku od sedam dana od dana odražavanja ove sjednice, zakaže tematska sjednica sa slijedećim dnevnim redom:

1. Analiza trenutnog stanja u JP „RTV Bihać“ d.o.o. Bihać sa:
 - a) Prijedlogom mjera za sanaciju dugovanja i ukupnog finansijskog stanja
 - b) Prijedlogom mjera za hitno rješavanje ukupne problematike vezane za dalju egzistenciju zaposlenika i rad JP „RTV Bihać“ d.o.o. Bihać

Vijećnik Edin Felić

Uvaženi vijećnik osvrnuo se, između ostalog, na probleme u vezi smještaja migranata, kako na području Unsko-sanskog kantona, tako i na području cijele Bosne i Hercegovine.

Zatim je pročitao Zaključke koji su doneseni na prvoj vanrednoj sjednici, a koji su se odnosili na probleme sa migrantima i zaključke koji su trebali biti provedeni.

Vijećnik Elvedin Sedić

Uvaženi vijećnik u svom izlaganju takođe se osvrnuo na stanje u JP „RTV Bihać“ d.o.o. Bihać, te podržao prijedlog za sazivanje tematske sjednice radi analiziranja trenutnog stanja u ovom preduzeću.

Predsjedavajući Gradskog vijeća otvara sat za vijećnička pitanja.

VIJEĆNIČKA PITANJA

Vijećnik Ahmed Fatkić

1. Pita, šta je učinjeno po pitanju revizije diploma u Gradskom organu uprave, javnim ustanovama i javnim preduzećima čiji je osnivač Grad Bihać.
2. Pita, zašto u katastarskom operatu nije proveden Ugovor o zakupu poljoprivrednog zemljišta u vlasništvu države na području grada Bihaća zaključen sa zakupoprimcem Murić Đulagom, obzirom da je isti potpisan prije 18 mjeseci, odnosno iz kojih razloga do danas nije ništa učinjeno.

Vijećnik Adnan Lipovača

1. Traži od nadležne službe spisak prostora koji pripadaju Gradu, spisak prostora koje koriste političke stranke, te prostore koje koriste druge organizacije. Takođe traži da se dostavi i spisak dužnika zakupnine.
2. Traži od nadležne službe da dostavi spisak stanova koji su u vlasništvu Grada odnosno korisnika stanova.
3. Traži od nadležne službe i JU „Centar za socijalni rad“ Bihać da dostave spisak socijalno ugroženih porodica koje imaju maloljetnu djecu.
4. U ime građana mjesne zajednice Kamenica i Vrkašić, pita Gradonačelnika i nadležnu službu, da li je u 2021.godini planirano konačno rješavanje dionice makadamskog puta.
5. Traži od nadležne službe da se dostavi spisak registriranih kladionica na području grada Bihaća.

Vijećnik Hasan Fatkić

1. Pitanje upućuje Gradonačelniku grada Bihaća na okolnosti, da li je Nadzorni odbor JU „Stanouprave“ Bihać bio nenadležan, neovlašten, nestručan, nesposoban i nezakonit, iz razloga što je isti utvrdio niz nezakonitosti i nedomaćinski odnos prema imovini JU „Stanouprave“ i sa istim upoznao Gradonačelnika ili je u pitanju nešto drugo.
2. Pitanje upućuje Gradonačelniku grada Bihaća i direktoru JU „Stanouprava“ Bihać u smislu, da li će se vršiti revizija Godišnjeg izvještaja JU „Stanouprava“ Bihać za 2018.godinu.

Kao što je poznato, u tom periodu je bio Predsjednik Nadzornog odbora JU „Stanouprava“ Bihać, razrješen je prije isteka mandata sa dužnosti rješenjem Gradonačelnika grada Bihaća broj 01-5-974 od 15.03.2019.godine, i to kad je ustanovio niz nezakonitosti, kao što su : nezakonito trošenje revolving fonda u kojem su se sredstva prebacivala na redovan račun da bi se prikazala finansijska dobit, nevođenje dovoljno brige o povratu revolving sredstava, netačna evidencija osnovnih sredstava tako da na popisu ima auto „ŠKODA FELICIJA“ čija je knjigovodstvena vrijednost 13.361,00 KM, a iste nema, zatim na popisu ima garaža, a iste u stvari nema, zatim zapošljavanje suprotno konkursnim procedurama, nezakonito podizanje dnevnica za putovanja na području Unsko-sanskog kantona, često odlaženje na put u Sarajevo bez navođenja razloga, i to uglavnom putnim nalogima koji nisu potpisani od strane predsjednika Upravnog Odbora, neplanirano korištenja usluga advokata. Na osnovu naprijed navedenog, predlaže da se izvrši revizija Godišnjeg izvještaja za 2018.godinu, te da se utvrdi ko je vlasnik imovine JU „Stanouprava“ Bihać, a ko korisnik. Predlaže da se izvještaj za 2018.godinu dostavi Gradskom vijeću na dalju proceduru.

Vijećnica Šeherzada Delić, postavila je sljedeće pitanje:

1. Pita, u kojoj je fazi implementacija infrastrukturnog projekta Gradske uprave Bihać i Vlade USK-a u bihaćkoj MZ Kamenica, na cesti Kameničkih gazija, koja spaja naselje Vrkašić sa ostatkom naselja Kamenica i most u naselju Kralje?
2. Traži da se izvrši rješenje broj 03/2-23-6-3351/19 kojim je investitoru Selmanović Zarki naređeno da ukloni bespravnu gradnju u zgradi TO 2A broj 10, obzirom da je imenovana ograničila normalno kretanje stubištem zgrade odnosno pregradila je zajednički prostor svih stanara.

Vijećnik Nijaz Malkoč

1. Traži od JU „Zavod za prostorno uređenje“ Bihać da dostavi informaciju u vezi projekta asfaltiranja puta Donji Srbljani – Srbljani – Jezero, odnosno informaciju kada su započeli radovi, koliko je obezbjeđeno finansijskih sredstava i ko je investitor.

2. Traži da mu se od federalne Direkcije cesta dostavi informacija odnosno Plan Direkcije cesta za 2021.godinu o planiranim radovima na izgradnji magistralnog puta Bihać – Bosanska Krupa.

3. Pita nadležnu službu, kada će doći do usaglašavanja autobusnih linija na području grada Bihaća.

Vijećnik Dinko Bećirspahić

1. Traži od Službe za inspekcijske poslove da izlaskom na teren u ulici Marione Wencle utvrdi da li su izvršena prekopavanja javne površine (asfalta) odnosno uzurpacija javne površine od strane vlasnice stambenog objekta, gđe Bajramović Uranele i ukoliko inspekcija utvrdi takvo stanje, da li dotična osoba ima saglasnost nadležne gradske službe za prekopavanje javne površine i uzurpiranje iste.

Vijećnik Elvedin Sedić

1. Obzirom da je u toku prošle godine na području grada Bihaća vršena rekonstrukcija javne rasvjete, pita direktora JU „Zavod za prostorno uređenje“ Bihać, da li su u određenom broju slučajeva rasvjetna tijela postavljena tako da osvijetljavaju privatna dvorišta, odnosno da li su na određenim mjestima bilbordi u privatnom vlasništvu postavljeni na javnu rasvjetu, a na nekim mjestima i čitavi krugovi nekih pravnih subjekata.

Traži informaciju, koliko je bilo ovakvih slučajeva, šta je učinjeno po tom pitanju, da li se dalje nastavlja kontrola ove vrste zloupotrebe i faktički krađe struje sa javne rasvjete, te da li je pokrenut neki postupak utvrđivanja odgovornost, obzirom na činjenicu da je na taj način u prethodnom periodu pričinjavana šteta po Budžet grada Bihaća, jer račun električne energije za javnu rasvjetu plaća Grad.

2. Pita, u kojoj fazi je realizacija projekta devijacije odnosno izmještanje puta AVNOJ-a pored JU „Dom zdravlja“ Bihać, kada se može očekivati početak radova i s kojom dinamikom, odnosno kada se očekuje završetak radova na ovom veoma značajnom projektu?

Vijećnik Edin Felić

1. Obzirom da je nadležno Federalno ministarstvo obezbijedilo finansijska sredstva za jesenju sjetvu putem lokalnih zajednica, uvaženi vijećnik pita nadležnu službu Grada Bihaća: „Da li su sredstva uplaćena na račun Grada Bihaća, odnosno da li su ista u vidu poticaja za jesenju sjetvu isplaćena poljoprivrednim proizvođačima? Ukoliko nisu uplaćena poljoprivrednicima tražim pismeno izjašnjenje zbog čega nisu i kada će biti uplaćena?“

INICIJATIVE

Vijećnik Ahmed Fatkić

1. Inicijativa za izmjenu Cjenovnika o pružanju usluga javnih parkirališta

„ Gradsko vijeće je 2015.godine usvojilo Odluku o javnim parkiralištima na području grada Bihaća, kojom su između ostalog, utvrđene i parking zone (nulta, I, II, III, IV i V zona), a članom 36. Odluke davaocu usluga dat je rok od 30 dana od dana stupanja na snagu Odluke, da utvrdi cijenu usluge javnih parkirališta prema Odluci o načinu formiranja cijena komunalnih proizvoda i usluga individualne komunalne potrošnje (Službeni glasnik Općine Bihać broj 08/13), te dostavi Vijeću na davanje saglasnosti. Davaoc usluga JKP „Komrad“ Bihać je u okviru II parking zone utvrdilo 4 (četiri) parkinga na kojima je cijena 1h parking prostora 0.5 KM, osim na parking prostoru kod Kantonalne bolnice Bihać, gdje je cijena 1h parking prostora 1 KM, a isti je najudaljeniji od nulte zone.

JKP „Komrad“ je bilo u obavezi da formira cijene u skladu sa Odlukom o načinu formiranja cijena komunalnih proizvoda i usluga individualne komunalne potrošnje (Službeni glasnik Općine Bihać broj 08/13). Članom 6. tačka g) Odluke utvrđeno je da se cijena usluge parkiranja na javnim parking prostorima utvrđuje prema lokaciji i opremljenosti javnih parking prostora, vrsti prevoznih sredstava i vremenu parkiranja.

U vezi s tim, smatram da cijena 1h parking prostora u iznosu od 1 KM nije opravdana, posebno uzimajući u obzir da se radi o najudaljenijem parking prostoru II zone, te parking prostoru ispred zdravstvene ustanove, gdje se korisnici ove usluge duže zadržavaju iz razloga koji su izvan njihove moći (pružanje zdravstvenih usluga), te zbog specifičnosti samih korisnika parkinga prostora tražim da se:

Naprave izmjene u Cjenovniku o pružanju usluga javnih parkirališta (Službeni glasnik Grada Bihaća broj 5/15) u tački C. (Javna parkirališta u II parking zoni) redni broj 4. Parking u ulici

Ivana Frane Jukića s lijeve strane od glavnog do zapadnog ulaza u Kantonalnu bolnicu, pravolinijski način parkiranja, te da se cijena 1h parkinga smanji na 0.5 KM/h. ,,

Vijećnik Adnan Lipovača

1. Inicijativa Stranke za BiH Bihać

„U skladu sa članom 83. stav (2) Poslovnika Gradskog vijeća Bihać, Stranka za BiH Bihać pokreće inicijativu za sazivanje tematske sjednice Gradskog vijeća Bihać.

Za dnevni red tematske sjednice predlažemo tačku :

1. Zakon o komunalnim djelatnostima Unsko-sanskog kantona;
2. Odluka o komunalnom redu;
3. Odluka o načinu formiranja cijena komunalnih proizvoda i usluga individualne komunalne potrošnje;
4. Odluka o komunalnoj naknadi

Problem kladionica u Bosni i Hercegovini nije zaobišao ni Bihać. Da su kladionice odavno preplavile ne samo grad Bihać, nego i veća naseljenija mjesta je vidljivo ne samo domaćem stanovništvu, nego i svima koji posjete Bihać.

Međutim, zbog nepostojanja adekvatnog općinskog propisa ili odgovarajuće odluke sve kladionice većinom su smještene u neposrednoj blizini osnovnih i srednjih škola, vjerskih objekata (džamija, mekteba ili crkava) bolnica i Doma zdravlja.

Cifra od preko 100 „miliona“ (KM) koju su građani uplatili kladionicama za klađenje u 2020. godini je prevelika. Dok s jedne strane imamo i dalje ne mali broj siromašnih i slabostojjećih porodica, sa druge strane milioni maraka se bukvalno prokockaju.

Zbog ovog poroka, stradaju i kompletne porodice, a u zadnje vrijeme sve je veći broj krivičnih djela u Bihaću, a koja su usko povezana sa licima koja su nezaobilazni „gosti“ kladionica.

Kada npr. učenici osnovnih ili srednjih škola na području Bihaća izađu iz škole, odmah u neposrednoj blizini imaju kladionice. Porazna je činjenica da vlasti ništa ne čine da se kladionice izmjeste makar na periferiju grada i ograniči rad istih. ,,

Vijećnik Armin Amidžić :

1. Inicijativa da se omogući prijenos sjednica Gradskog vijeća Bihać u video formatu putem zvaničnog Youtube kanala grada Bihaća, ali i web stranice Grada Bihaća/ Radio Bihaća.

„Prijenos sjednica Gradskog vijeća grada Bihaća svim zainteresovanim građanima omogućen je uživo putem signala Radio Bihaća. Međutim, u današnjem vremenu tehnologije, ali i transparentnosti kojoj svaka javna uprava teži – to nije dovoljno!

Svjedoci smo da posebno u pandemijskom vremenu, cijeli svijet funkcionirao „putem mreže“, pa su tako i Vlade najmoćnijih država svijeta nesmetano svoje zadatke obavljale putem platformi poput Zooma ili Skype-a. I u Bosni i Hercegovini u većini gradova, sjednice Gradskog vijeća, Skupština ili Parlamenata BiH moguće je pratiti putem televizije, ali i interneta.

Grad Bihać nepotrebno kaska za ovim trendovima. Susjedn Grad Cazin, sjednice svog Gradskog vijeće prenosi putem vlastitog lokalnog televizijskog kanala, ali kako Bihać nema lokalnu televiziju, predlažem da naše JP „RTV Bihać“ d.o.o. Bihać bude nosilac ovog projekta i prijenos sjednica u video formatu realizira putem zvaničnog Youtube kanala Grada Bihaća, al i web stranica Grad Bihać i stranice JP „RTV Bihać“ d.o.o. Bihać. Na ovaj način naše Javno preduzeće uspostavilo bi novu uslugu koja je od javnog interesa za Grad Bihać.

Najvažniji efekat ove inicijative jeste daljnje otvaranje rada GV Bihać prema građanima svih dobnih skupina, što bi uticalo na uključivanje građana u tokove odlučivanja koje su važne za grad, ali bi i doprinijelo transparentnosti rada Gradskog vijeća Biha, što je i naša statutarna obaveza, ali i jedan od ciljeva za koje se pokret PoMAK zalaže u svom političkom djelovanju.“

2. Inicijativa, dopuna štaba Civilne zaštite sa članovima GSS Bihać i SOS Bihać

„Štab Civilne zaštite najvažnije je tijelo za funkcionisanje Grada Bihaća u kriznim situacijama i elementarnim nepogodama, poput poplava, visokog snijega, migrantske krize, ali i pandemije korona virusa što se u posljednje dvije godine pokazalo nebrojen broj puta.

U svim ovim situacijama, ali i drugima kad god je Gradu i građanima, pa i unesrećenim migrantima trebala pomoć, vrhunsku opremljenost i spremnost pokazale su organizacije GSS i SOS Bihać, te su kao takve bile angažirane u rješavanju raznih kritičnih situacija od Grada.

Sukladno tome, predlažem da Gradonačelnik Grada Bihaća u skladu sa svojim ovlastima i pozitivnim zakonskim propisima, dopuni štab Civilne zaštite i u rad istog uključi organizacije GSS i SOS Bihać koje su pokazale da su spremne u svakom trenutku reagirati na spašavanje i zaštitu. „

Vijećnica Maja Uremović

1. Inicijativa za postavljanje radara u ulici Darivalaca krvi

„Naime, zbog velikog broja saobraćajnih nezgoda koje su se, u proteklom vremenskom periodu, dogodile u ovoj ulici, pri čemu je najmanje u 15 navrata, vozilo pri neprilagođenoj brzini udarilo u ograde i kuće na brojevima 51, 45, 33, 66, 82, 84, itd., o čemu postoje pisani tragovi u policijskoj stanici, na osnovu upita i prijedloga građana, žitelja ove ulice, upućujem inicijativu MUP-u USK-a za neophodno postavljanje radara. Budući da se radi o vodećoj i glavnoj ulici koja vodi do KB Bihać, dobijena je informacija od stručnih lica da nije preporučljivo stavljanje ležećeg policajca. Slučajevi su redovno prijavljivani u policijsku upravu, kao i mjesnu zajednicu Luke što se može potkrijepiti zapisnicima.

Smatram da je inicijativa upućena na vrijeme i bilo bi dobro da se na vrijeme i realizira, dok su štete još uvijek materijalne.

Budući da je zbog čestih prekoračenja brzina ugrožena bezbjednost mještana ove ulice, apeliram da se u što kraćem roku nađe adekvatno rješenje.“

Vijećnik Elvedin Sedić

1. Inicijativa za izradu studije/elaborata regulacije saobraćaja u mirovanju i kretanju u gradu Bihaću, posebno u dijelovima naselja u kojima su projektovane saobraćajnice iz vremena kada su zadovoljavale uslove saobraćaja vozila iz tog perioda, a danas ne mogu zadovoljiti uslove koji se postavljaju propisima kad je u pitanju izgradnja savremenih saobraćajnica.

Obrazloženje:

„Izrada studije/elaborata regulacije saobraćaja u mirovanju i kretanju u gradu Bihaću, posebno u dijelovima naselja u kojima su projektovane saobraćajnice iz vremena kada su zadovoljavala uslove saobraćaja vozila iz tog perioda, a danas ne mogu zadovoljiti uslove koji se postavljaju propisima kad je u pitanju izgradnja savremenih saobraćajnica, neophodna je iz više razloga. Prije svega neophodno je pristupiti sagledavanju realnih potreba za proširenjem određenih saobraćajnica kako bi se obezbijedilo nesmetano kretanje vozila, ali i saobraćaja u mirovanju čime bi se osigurao dovoljan broj parking mjesta na području grada Bihaća.

Studija, odnosno elaborat regulacije saobraćaja u mirovanju i kretanju na području grada Bihaća treba utvrditi potrebe za regulacijom saobraćaja na području grada Bihaća i načinu njegovog rješavanja, te potrebi izrade budućih akata, zakonskih i podzakonskih, za rješavanje ove problematike.“

Vijećnica Elvira Selmanović

Inicijativa:

1. JU „Stanouprava“ Bihać osnovana je radi javnog interesa, a redovna joj je djelatnost upravljanje stambeno- poslovnim zgradama u gradu Bihaću. Ova Javna ustanova ima oko 160

upravljanja odnosno 3.000 korisnika usluga. Shodno svojoj djelatnosti koju obavlja u skladu sa zakonom o korištenju, upravljanju i održavanju zajedničkih dijelova i uređaja zgrada, ova Javna ustanova vrši, u ime i za račun etažnih vlasnika, između ostalog i utuživanje etažnih vlasnika i korisnika stanova kod nadležnog suda koji ne plaćaju naknadu. Poznato je da svaki etažni vlasnik dužan je izmiriti naknadu, a uplaćena sredstva čine finansijsku rezervu zgrade koja služi za održavanje zajedničkih dijelova i uređaja. Grad Bihać je vlasnik poslovnih prostora i stanova koji se nalaze u zgradama sa kojima upravlja Javna ustanova i ova Javna ustanova izvršila je utuživanje za neplaćanje dužne naknade, etažnih vlasnika fizičkih i pravnih lica, odnosno Grada Bihaća, kao svog osnivača.

Iako postoje pravosnažne i izvršne presude, poznato je da je izmirenje tih obaveza teško naplatiti. Upravitelj, JU svakodnevno je izložen pritiscima od strane konzumenata svojih usluga koji čekaju da se dugovanja naplate od Grada Bihaća. Obzirom da naplata od njih, ukoliko se nađu u položaju tuženog ide promptno, te da očekuju od upravitelja da uradi svoj posao, te na ovaj način oni nemaju nikakve koristi od presuda protiv Grada Bihaća.

Ovaj dugogodišnji problem oko naplate dugovanja mogao bi se riješiti Sporazumom o načinu izmirenja duga između JU „Stanouprava“ Bihać, kao upravitelja i Grada Bihaća, kao dužnika po osnovu kojeg bi se, a nakon potvrđivanja IOS-a, izradio otplatni plan o mjesečnom izmirivanju obaveza, a cjelokupan iznos o ovim obavezama potrebno je predvidjeti kao obaveze iz prethodnog perioda u budžetu Grada za 2021.godinu ...

Predsjedavajući otvara raspravu po usvojenom dnevnom redu.

Ad.1.

- a) Izvještaj o izvršenju Budžeta Grada Bihaća za period 01.01. – 30.06.2020.godine***
- b) Informacija o trošenju Tekuće rezerve za period od 01.01. – 30.06.2020.godine***
- c) Izvještaj o izvršenju Budžeta Grada Bihaća za period 01.01. – 30.09.2020.godine***
- d) Informacija o trošenju Tekuće rezerve za period od 01.01. – 30.09.2020.godine***

Izvjestilac - Jasmina Ćoralić, pomoćnik načelnika Službe za finansije i budžet

Asmir Budimlić–zamjenik predsjednika Statutarne Komisije

Nakon razmatranja Izvještaja o izvršenju Budžeta Grada Bihaća za period 1.01. – 30.06.2020.godine i Izvještaja o izvršenju Budžeta Grada Bihaća za period 01.01. – 30.09.2020.godine, Komisija je utvrdila da je pravni osnov za usvajanje predloženih materijala sadržan u odredbama člana 92. Zakona o budžetima u Federaciji Bosne i Hercegovine („Službene novine F BiH“, broj 102/13, 9/14, 13/14 i 8/15, 91/15, 104/16, 5/18, 11/19 i 99/19), odredbama člana 28.Odluke o izvršavanju Budžeta Grada Bihaća za

2020.godinu („Službeni glasnik Grada Bihaća“, broj 12/19), a kojim je utvrđena obaveza Gradonačelnika za podnošenje kvartalnih finansijskih izvještaja Gradskom vijeću na usvajanje, te odredbama člana 35. tačka e) Statuta Grada Bihaća („Službeni glasnik Grada Bihaća“, broj 13/15 i 13/18), kojim je utvrđeno da Gradsko vijeće u okviru samoupravnog djelokruga, između ostalog, donosi tromjesečni, polugodišnji odnosno godišnji izvještaj o izvršavanju budžeta.

Komisija predlaže da Gradsko vijeće nakon razmatranja predloženih materijala, o istim zauzme konačan stav.

Pravni osnov za podnošenje Informacija o trošenju sredstava Tekuće rezerve za period od 01.01. do 30.06.2020.godine i period od 01.01. do 30.09.2020.godine sadržan je u članu 60. i 61. Zakona o budžetima u Federaciji Bosne i Hercegovine („Službene novine F BiH“, broj 102/13, 9/14, 13/14 i 8/15, 91/15, 104/16, 5/18, 11/19 i 99/19), kojim je propisano da sredstva tekuće rezerve planirana u budžetu koriste se za nepredviđene namjene za koje u budžetu nisu planirana sredstva ili za namjene za koje se tokom godine pokaže da za njih nisu utvrđena dovoljna sredstva, jer ih pri planiranju budžeta nije bilo moguće predvidjeti i mogu iznositi najviše do 3% planiranih prihoda bez namjenskih prihoda, vlastitih prihoda i bez primitaka, a korištenje sredstava tekuće rezerve odobrava Gradonačelnik zaključkom u skladu sa Pravilnikom o utvrđivanju kriterija za korištenje sredstava iz Tekuće rezerve budžeta Grada Bihać za 2020.godinu.

Kako je iz predloženih Informacija vidljivo da su sredstva Tekuće rezerve utrošena u okviru planiranih sredstava, Komisija iste prosljeđuje Gradskom vijeću, radi obavljanja rasprave i zauzimanja konačnog stava.

Vijećnik Edin Bašagić - predsjednik Komisije za finansije i Budžet

Nakon razmatranja predloženih Izvještaja, Komisija je stava da su isti usklađeni sa Zakonom o budžetima i podzakonskim aktima koji propisuju metodologiju njegove izrade, te uzimajući u obzir navedeno Komisija smatra da se na jasan i transparentan način može utvrditi raspolaganje budžetskim sredstvima u navedenom periodu.

Komisija u cjelosti podržava predložene mjere, odnosno da dinamika ostvarenja budžetskih prihoda, određuje okvir trošenja budžetskih sredstava

Komisija prosljeđuje predložene Izvještaje Gradskom vijeću, radi obavljanja rasprave i zauzimanja konačnog stava.

Kako su finansijska sredstva Tekuće rezerve za navedene periode izvršena u iznosu manjem za 66,05% od planiranih, Komisija je prihvatila Informacije o trošenju sredstava Tekuće rezerve za navedene periode i prosljeđuje ih Vijeću, na razmatranje i zauzimanje konačnog stava.

Vijećnik Halil Bajramović

Postavio je pitanje i naglasio, kada je u pitanju šestomjesečni i devetomjesečni izvještaj, zašto nema Izvještaja o izvršenju budžeta za 2020.godinu. Istakao je pad poreznih i neporeznih prihoda, od toga pad prihoda od poduzetničke aktivnosti i imovine. Većina sredstava u Budžetu su sredstva Vlade Federacije BiH. Grad ima više rashoda od prihoda. Većina sredstava za investicije su obezbijeđena iz viših nivoa vlasti, humanitarnih organizacija, odnosno donacija. Vijećnik je iznio zaključak da je budžet grada Bihaća u deficitu 2.500.000 KM, te je predložio da se uradi analiza svih dugovanja Grada Bihaća. Na kraju izlaganja istakao je da će Klub vijećnika Narod i pravda kod glasanja, biti suzdržani.

Vijećnik Asmir Budimlić

U svojoj diskusiji vijećnik je, između ostalog, stavio naglasak na održivu stabilizaciju Budžeta na kojoj se mora raditi.

Na kraju izlaganja iznio je stav Kluba vijećnika SDA, da će Klub prihvatiti predložene izvještaje.

Vijećnik Adnan Lipovača

U toku diskusije, postavio je pitanje: zašto nema evidencije obrtnika u gradu Bihaću, odnosno ko su lica koja su primila pomoć od Grada (Korona Zakona), te je od predlagača tražio pojašnjenje u vezi donacija i pomoći.

Jasmina Ćoralić, dala je pojašnjenje i odgovorila na pitanja vijećnika.

Gradonačelnik Šuhret Fazlić

Traži od vijećnika da podrže Izvještaj i Odluku o kratkoročnom zaduženju. Izjavio je da Grad Bihać ima fiksne troškove i izdatke koji su morali biti izmireni. Takođe je izjavio da, kada je u pitanju zemljište za JP „Aerodrom“ d.o.o. Bihać, Grad je JP „Aerodrom“ d.o.o. Bihać, prodaju izvršio u skladu sa Zakonom o stvarnim pravima. Istakao je da su za realizaciju Budžeta odgovorni kako Gradonačelnici tako i Gradske vijeće.

Nakon provedenih rasprava predsjedavajući predloženi materijal daje na usvajanje.

- a) Izvještaj o izvršenju Budžeta Grada Bihaća za period 01.01. – 30.06.2020.godine***
b) Informacija o trošenju Tekuće rezerve za period od 01.01. – 30.06.2020.godine,
usvojeni su sa 20 glasova ZA, niko PROTIV i 3 SUZDRŽANA.

c) Izvještaj o izvršenju Budžeta Grada Bihaća za period 01.01. – 30.09.2020.godine
d) Informacija o trošenju Tekuće rezerve za period od 01.01. – 30.09.2020.godine,
usvojeni su sa 20 glasova ZA, niko PROTIV i 3 SUZDRŽANA.

Ad.2.

Prijedlog Odluke o kratkoročnom zaduživanju Grada Bihaća za 2021.godinu.

Izjavitelj - Jasmina Čoralić, pomoćnik načelnika Službe za finansije i budžet

Asmir Budimlić - Zamjenik predsjednika Statutarne komisije

Pravni osnov za donošenje Odluke o kratkoročnom zaduživanju Grada Bihaća za 2021. godinu sadržan je u članu 9. i 21. Zakona o dugu, zaduživanju i garancijama u Federaciji BiH („Službene novine Federacije BiH“, broj 86/07, 24/09, 44/10 i 30/16), kojim je propisano da kratkoročni dug može nastati samo radi finansiranja deficita nastalog iz gotovinskog toka i otplatit će se u fiskalnoj godini u kojoj je zaduženje nastalo, te ni u kom vremenskom periodu tokom te fiskalne godine neće preći 5% prihoda ostvarenih u prethodnoj fiskalnoj godini i članu 35. tačka k) Statuta Grada Bihaća („Službeni glasnik Grada Bihaća“, broj 13/15 i 13/18), kojim je propisano da Gradsko vijeće u okviru samoupravnog djelokruga, između ostalog, donosi odluke o zaduživanju Grada, o raspisivanju javnog zajma i davanju jamstva u skladu sa zakonom.

Komisija prosljeđuje predloženu Odluku Vijeću, kako bi po istoj obavilo raspravu i zauzelo konačan stav.

Vijećnik Edin Bašagić – predsjednik Komisije za finansije i budžet

Nakon razmatranja predloženog materijala, Komisija je mišljenja da su opravdani razlozi za donošenje Odluke o kratkoročnom zaduženju Grada Bihaća za 2021.godinu, u slučaju potrebe prevazilaženja kratkoročnih vremenskih neusklađenosti između prihoda i rashoda u toku tekuće godine, uz uslov da maksimalni iznos zaduženja ni u kom vremenskom periodu tokom te fiskalne godine ne pređe 5% prihoda ostvarenih u prethodnoj godini.

Komisija prosljeđuje predloženu Odluku Gradskom vijeću, radi obavljanja rasprave i zauzimanja konačnog stava.

Kako nije bilo prijavljenih za raspravu, predsjedavajući predloženu Odluku daje na glasanje.

Prijedlog Odluke o kratkoročnom zaduživanju Grada Bihaća za 2021.godinu,
usvojen je sa 21 glasom ZA, niko PROTIV i 3 glasa SUZDRŽANA.

A.d.3.

Prijedlog Rješenja o izboru i imenovanju Kolegija i stalnih radnih tijela GV

a) Kolegij

b) Administrativna komisija

c) Komisija za prostorno uređenje i zaštitu okoliša

d) Komisija za rad, zdravstvo i socijalnu politiku

e) Komisija za obrazovanje, kulturu, sport i mlade

f) Komisija za lokalnu samoupravu

g) Komisija za žalbe

h) Komisija za predstavke i prijedloge

i) Komisija za odlikovanja i priznanja

j) Komisija za ljudska prava i ravnopravnost spolova

k) Etička komisija

l) Komisija za sigurnost i regulaciju saobraćaja Grada Bihaća

Izvjestilac – Hasan Babić predsjednik Komisije za izbor i imenovanje

Predsjednik Komisije upoznaje prisutne vijećnike sa prijedlogom članova za Kolegij Gradskog vijeća i ostalih radnih tijela, i to kako slijedi:

Kolegij Gradskog vijeća:

1. Zulfikar Handukić, predsjedavajući Gradskog vijeća
2. Asmir Budimlić, zamjenik predsjedavajućeg Gradskog vijeća
3. Lejla Bakrač, zamjenica predsjedavajućeg Gradskog vijeća
4. Edin Bašagić, zamjenik predsjedavajućeg Gradskog vijeća
5. Edin Felić, predsjednik Kluba vijećnika Stranke demokratske akcije SDA
6. Elvedin Sedić, predsjednik Kluba vijećnika Pokreta za modernu i aktivnu Krajinu POMAK
7. Hajrudin Selimović, predsjednik Kluba vijećnika Savez za bolju budućnost SBB
8. Alen Zulić, predsjednik Kluba vijećnika Socijaldemokratska partija BiH SDP
9. Halil Bajramović, predsjednik Kluba vijećnika Naroda i pravde NIP
10. Ahmed Fatkić, predsjednik Kluba vijećnika Stranke demokratske aktivnosti A-SDA
11. Šuhret Fazlić, Gradonačelnik
12. Sekretar Gradskog vijeća.

Konačna lista za imenovanje članova Administrativne komisije:

Red.broj	Ime i prezime	Stranačka pripadnost
1.	Ahmed Fatkić – predsjednik (vijećnik)	A-SDA
2.	Emir Mujadžić – zamjenik predsjednika (vijećnik)	SDP

3.	Halil Bajramović – član (vijećnik)	Narod i pravda
4.	Tatjana Demirović – vanjski član	Nezavisni blok
5.	Mehmed Nasufović – vanjski član	Stranka za BiH

Konačna lista za imenovanje članova Komisije za prostorno uređenje i zaštitu okoliša

Red.broj	Ime i prezime	Stranačka pripadnost
1.	Lejla Bakrač – predsjednica (vijećnica)	SBB
2.	Emir Mujadžić – zamjenik predsjednice (vijećnik)	SDP
3.	Silvana Behić – član (vijećnica)	Pomak
4.	Adnan Lipovača – član (vijećnik)	Stranka za BiH
5.	Elvis Dedić – član (vijećnik)	A-SDA
6.	Fikret Sušić – vanjski član	A-SDA
7.	Almir Kurtović – vanjski član	Pomak

Konačna lista za imenovanje članova Komisije za rad, zdravstvo i socijalnu politiku

Red.broj	Ime i prezime	Stranačka pripadnost
1.	Maja Uremović – predsjednica (vijećnik)	Pomak
2.	Smail Dervišević – zamjenik predsjednice (vijećnik)	SDA
3.	Rusmira Konjević – član (vijećnica)	SDP
4.	Sulejman Kulenović – član (vijećnik)	SDP
5.	Edina Pečenković – vanjski član	DF
6.	Lejla Kurjaković – Begić vanjski član	SDA

7.	Elvir Hrustanović – vanjski član	SDA
----	----------------------------------	-----

Konačna lista za imenovanje članova Komisije za obrazovanje, kulturu, sport i mlade

Red.broj	Ime i prezime	Stranačka pripadnost
1.	Almira Seferagić – predsjednica (vijećnik)	SDA
2.	Alen Zulić – zamjenik predsjednice (vijećnik)	SDP
3.	Dinko Bećirspahić – član (vijećnik)	Narod i pravda
4.	Adnan Mekić – član (vijećnik)	Pomak
5.	Eva Lipovača – vanjski član	Stranka za BiH
6.	Dijana Fatkić – vanjski član	DF
7.	Elvir Šušnjar – vanjski član	Pomak

Konačna lista za imenovanje članova Komisije za lokalnu samoupravu

Red.broj	Ime i prezime	Stranačka pripadnost
1.	Hasan Fatkić – predsjednik (vijećnik)	DF
2.	Hajrudin Selimović – zamjenik predsjednika (vijećnik)	SBB
3.	Silvana Behić – član (vijećnik)	Pomak
4.	Mustafa Zulić – član (vijećnik)	SDA
5.	Sanel Havić – član (vijećnik)	Narod i pravda
6.	Ekrem Okić – vanjski član	SDA
7.	Jasminko Skopljak – vanjski član	Pomak

Konačna lista za imenovanje članova Komisije za žalbe

Red.broj	Ime i prezime	Stranačka pripadnost
1.	Elvedin Sedić – predsjednik (vijećnik)	Pomak
2.	Edin Felić – zamjenik predsjednika (vijećnik)	SDA
3.	Hasan Babić – član (vijećnik)	SDA
4.	Ramo Sulić – vanjski član	SBB
5.	Meho Kličić – vanjski član	SDA

Konačna lista za imenovanje članova Komisije za predstavke i prijedloge

Red.broj	Ime i prezime	Stranačka pripadnost
1.	Dinko Bećirspahić – predsjednik (vijećnik)	Narod i pravda
2.	Jasmin Čavkić – zamjenik predsjednika (vijećnik)	A-SDA
3.	Elvira Selmanović – član (vijećnik)	Nezavisni blok
4.	Valentino Vuković – vanjski član	A-SDA
5.	Zora Tomljenović – vanjski član	SDP

Konačna lista za imenovanje članova Komisije za odlikovanja i priznanja

Red.broj	Ime i prezime	Stranačka pripadnost
1.	Nijaz Malkoč – predsjednik (vijećnik)	SDA
2.	Armin Amidžić – zamjenik predsjednika (vijećnik)	Pomak
3.	Alen Zulić – član	SDP
4.	Aida Sejdić – vanjski član	Naša stranka
5.	Arnel Kozlica – vanjski član	SDA

Konačna lista za imenovanje članova Komisije za ljudska prava i ravnopravnost spolova

Red.broj	Ime i prezime	Stranačka pripadnost
1.	Maja Uremović – predsjednica (vijećnik)	Pomak
2.	Elvira Selmanović – zamjenica predsjednice (vijećnik)	Nezavisni blok
3.	Ahmed Fatkić – član (vijećnik)	A-SDA
4.	Šeherzada Delić – član (vijećnik)	Naša stranka
5.	Rusmira Konjević – član (vijećnik)	SDP
6.	Arijana Kaliman – vanjski član	SDA
7.	Saša Smiljanić – vanjski član	SDP

Konačna lista za imenovanje članova Etičke komisije

Red.broj	Ime i prezime	Stranačka pripadnost
1.	Edin Bašagić – predsjednik (vijećnik)	SDA
2.	Jasmin Čavkić – zamjenik predsjednika (vijećnik)	A-SDA
3.	Sanel Havić – član (vijećnik)	Narod i pravda
4.	Zerina Kurić – vanjski član	MZ
5.	Ahmet Ibukić – vanjski član	OCD
6.	Zumreta Sedić – vanjski član	OCD
7.	Elvir Ramić – vanjski član	Mediji

Konačna lista za imenovanje članova Komisije za sigurnost i regulaciju saobraćaja Grada Bihaća

Red.broj	Ime i prezime	Stranačka
----------	---------------	-----------

		pripadnost
1.	Elvedin Omanović- predsjednik (predstavnik Ministarstva unutrašnjih poslova USK-a)	
2.	Nijaz Hodžić- član (predstavnik iz reda građana)	
3.	Senad Kovačević – član (predstavnik iz reda građana)	
4.	Halil Bajrmović – član (vijećnik)	Narod i pravda
5.	Asmir Budimlić – član (vijećnik)	SDA
6.	Amir Delić – član (predstavnik JU „Zavod za prostorno uređenje“ Bihać)	
7.	Silva Tomljenović – Grgić – član (predstavnik Grdskog organa uprave)	

Asmir Budimlić–zamjenik predsjednika Statutarne Komisije

Pravni osnov za donošenje predloženih Rješenja sadržan je u članu 35. tačka aa) Statuta Grada Bihaća („Službeni glasnik Grada Bihaća“, broj 13/15 i 13/18), kojim je utvrđena nadležnost Gradskog vijeća da u okviru samoupravnog djelokruga, između ostalog, osniva radna tijela Gradskog vijeća, te bira i razrješava njihove članove, te članu 49. stav (3) Poslovnika Gradskog vijeća Bihać („Službeni glasnik Grada Bihaća“, broj 3/16 i 4/20), kojim je utvrđeno da stalna radna tijela Vijeća imaju predsjednika, zamjenika predsjednika i određeni broj članova utvrđen Poslovníkom, a koji se imenuju rješenjem Vijeća.

Kako je procedura predlaganja odnosno izbora članova radnih tijela Vijeća u cjelosti provedena u skladu sa Poslovníkom Gradskog vijeća, Komisija prosljeđuje predložena Rješenja Gradskom vijeću, na razmatranje i zauzimanje konačnog stava.

lj)Prijedlog Rješenja o razrješenju i imenovanju predsjednika i članova Komisije za rukovođenje tajnim glasanjem

Izvjestilac – Hasan Babić predsjednik Komisije za izbor i imenovanje

Pročitao je rješenje o razrješenju imenovanih kandidata, i to kako slijedi:

Red.broj	Ime i prezime	Stranačka pripadnost
1.	Almira Seferagić, predsjednik vijećnik	SDA
2.	Armin Amidžić, zamjenik predsjednika vijećnik	POMAK

3.	Elvis Dedić, član	A-SDA
----	-------------------	-------

Nakon iznijetog prijedloga za razrješenje članova Komisije, predsjednik Komisije za izbor i imenovanje pročitao je konačnu listu kandidata predloženih za ovo radno tijelo Gradskog vijeća.

Konačna lista za imenovanje članova Komisije za rukovođenje tajnim glasanjem

Red.broj	Ime i prezime	Stranačka pripadnost
1.	Armin Amidžić, predsjednik vijećnik	POMAK
2.	Elvis Dedić, zamjenik predsjednika vijećnik	A-SDA
3.	Darija Oračević, vanjski član	SDA

Asmir Budimlić – zamjenik predsjednika Statutarne Komisije

Pravni osnov za donošenje predloženog Rješenja sadržan je u članu 35. tačka aa) Statuta Grada Bihaća („Službeni glasnik Grada Bihaća“, broj 13/15 i 13/18), kojim je utvrđena nadležnost Gradskog vijeća da u okviru samoupravnog djelokruga, između ostalog, osniva radna tijela Gradskog vijeća, te bira i razrješava njihove članove, članu 49. stav (3), a u vezi s članom 51. stav (2) i (3) Poslovnika Gradskog vijeća Bihać („Službeni glasnik Grada Bihaća“, broj 3/16 i 4/20), kojim je utvrđeno da stalna radna tijela Vijeća imaju predsjednika, zamjenika predsjednika i određeni broj članova utvrđen Poslovníkom, a koji se imenuju rješenjem Vijeća, odnosno da prijedlog za razrješenje može podnijeti predsjedavajući Vijeća, klub vijećnika i radno tijelo Vijeća, između ostalog, ako izabrani predsjednik, zamjenik ili član radnog tijela podnese ostavku.

m) Prijedlog Rješenja o razrješenju i imenovanju člana Statutarne komisije.

Izjavitelj – Hasan Babić predsjednik Komisije za izbor i imenovanje

Predsjednik komisije pročitao je prijedlog Komisije da se dužnosti člana Statutarne komisije, razriješi vijećnica Rusmira Konjević, imenovana rješenjem Gradskog vijeća Bihać broj: GV-04-7 od 15.01.2021.godine („Službeni glasnik Grada Bihaća“, broj 1/21), a za člana Statutarne komisije da se imenuje Edvin Medić, kao vanjski član ispred političkog subjekta Demokratska fronta -DF.

Asmir Budimlić–zamjenik predsjednika Statutarne Komisije

Pravni osnov za donošenje predloženog Rješenja sadržan je u članu 35. tačka aa) Statuta Grada Bihaća („Službeni glasnik Grada Bihaća“, broj 13/15 i 13/18), kojim je utvrđena nadležnost Gradskog vijeća da u okviru samoupravnog djelokruga, između ostalog, osniva radna tijela Gradskog vijeća, te bira i razrješava njihove članove, članu 49. stav (3), a u vezi s članom 51. stav (3) Poslovnika Gradskog vijeća Bihać („Službeni glasnik Grada Bihaća“, broj 3/16 i 4/20), kojim je utvrđeno da stalna radna tijela Vijeća imaju predsjednika, zamjenika predsjednika i određeni broj članova utvrđen Poslovníkom, a koji se imenuju rješenjem Vijeća, te da prijedlog za razrješanje može podnijeti predsjedavajući Vijeća, klub vijećnika i radno tijelo Vijeća.

Nakon razmatranja predloženog Rješenja, Komisija isto prosljeđuje Gradskom vijeću, na razmatranje i zauzimanje konačnog stava.

Vijećnik Edin Bašagić – predsjednik Komisije za finansije i Budžet

Komisija za finansije i budžet je većinom glasova prihvatila prijedloge Rješenja o izboru i imenovanju Kolegija i stalnih radnih tijela, te obzirom da će finansijska sredstva biti obezbjeđena u Budžetu Grada za 2021.godinu, predloženi materijal Komisija prosljeđuje Gradskom vijeću, radi obavljanja rasprave i zauzimanja konačnog stava.

Vijećnik Sulejman Kulenović

U svojoj diskusiji predložio je da se broj članova Komisije za odlikovanja i priznanja proširi za još jednog člana, te za tog člana predle akademika Isaka Karabegovića.

Vijećnik Adnan Lipovača

Između ostalog, u svojoj diskusiji predložio je da se pokrene procedura za izmjenu Poslovnika Gradskog vijeća, a i Statuta Grada.

Predsjednik Komisije za izbor i imenovanje – Hasan Babić odgovorio je na pitanje vijećnika Sulejmana Kulenovića da niti jedan politički subjekt nije predložio akademika u radna tijela Gradskog vijeća, a Komisija za izbor i imenovanje pri sačinjavanju konačnih lista za radna tijela Gradskog vijeća, u obzir je uzimala samo predložene kandidate političkih subjekata. Podržava prijedlog vijećnika da bi u sastavu radnih tijela Vijeća trebali se nalaziti i akademici ovog Grada, ali takav prijedlog može se razmatrati u buduće vrijeme.

Predsjedavajući Gradskog vijeća – Zulfikar Handukić, zatvorio je raspravu, te je predložio da se za tačku broj 3 koja ima 14 podtačkaka glasa u paketu.

Predsjedavajući je dao prijedlog na glasanje.

Vijećnici su većinom glasova sa 25 ZA, nitko PROTIV i 1 SUZDRŽAN izglasali da se o tački broj 3 i njenim podtačkama glasa u paketu.

Nakon provedenih rasprava predsjedavajući predloženi materijal daje na usvajanje.

Prijedlog Rješenja o izboru i imenovanju Kolegija i stalnih radnih tijela GV od a) do n) usvojen je sa 23 glasa ZA, nitko PROTIV i 5 glasova SUZDRŽANIH, kako su navedeni u prijedlogu Komisije za izbor i imenovanje.

A.d.4.Prijedlog Odluke o usklađivanju Odluke o osnivanju Turističke zajednice Grada Bihaća sa zakonom

Izjavitelj – Elmina Emrulović, šef Odsjeka za privredne djelatnosti i upravljanje projektima

Asmir Budimlić - Zamjenik predsjednika Statutarne komisije

Pravni osnov za donošenje Odluke o usklađivanju Odluke o osnivanju Turističke zajednice Grada Bihaća sa zakonom sadržan je u članu 54. stav (1) Zakona o turizmu („Službeni glasnik Unsko-sanskog kantona“, broj 25/20), kojim je propisano da Turističku zajednicu općine/grada osniva općinsko/gradsko vijeće i članu 35. tačka cc) Statuta Grada Bihaća („Službeni glasnik Grada Bihaća“, broj 13/15 i 13/18), kojim je propisano da Gradsko vijeće u okviru samoupravnog djelokruga, između ostalog, osniva javna preduzeća i javne ustanove i druga pravna lica za obavljanje komunalnih, društvenih, privrednih i drugih djelatnosti od interesa za Grad, te odlučuje o njihovim statusnim promjenama i prestanku rada u skladu sa zakonom.

Kako je danom stupanja na snagu novog Zakona o turizmu („Službeni glasnik Unsko-sanskog kantona“, broj 25/20) prestao da važi Zakon o turizmu koji je objavljen u Službenom glasniku Unsko-sanskog kantona broj 8/17, resorna Služba pristupila je usklađivanju osnivačkog akta Turističke zajednice sa novim Zakonom o turizmu.

Komisija prosljeđuje predloženu Odluku Gradskom vijeću, kako bi o istoj obavilo raspravu i zauzelo konačan stav.

Vijećnik Edin Bašagić – predsjednik Komisije za finansije i Budžet

Komisija za finansije i budžet jednoglasno je prihvatila obrazloženje predlagača o potrebi usklađivanja osnivačkih akata Turističke zajednice Grada Bihaća sa pozitivnim propisima.

Obzirom da za realizaciju nisu potrebna sredstva u Budžetu Grada Bihaća, Komisija prosljeđuje predloženu Odluku Gradskom vijeću, radi obavljanja rasprave i zauzimanja konačnog stava.

Kako po predloženom materijalu nije bilo rasprave, predsjedavajući isti daje na usvajanje.

Prijedlog Odluke o usklađivanju Odluke o osnivanju Turističke zajednice Grada Bihaća sa zakonom, usvojen je sa 27 glasova ZA, nitko PROTIV i 1 glas SUZDRŽAN.

A.d.5.Prijedlog Odluke o pokretanju procedure i postupku imenovanja na poziciju Sekretara Gradskog vijeća Bihać.

Izjavitelj – Zulfikar Handukić, predsjednik Statutarne komisije

Asmir Budimlić - Zamjenik predsjednika Statutarne komisije

Pravni osnov za donošenje prijedloga Odluke o pokretanju procedure i postupku imenovanja na poziciju Sekretara Gradskog vijeća Bihać sadržan je u odredbama člana 12. Zakona o državnoj službi u Unsko-sanskom kantonu („Službeni glasnik Unsko-sanskog kantona“, broj 14/17 i 16/17), kojim je propisano da Sekretara s posebnim zadatkom imenuje nadležni organ na osnovu javnog konkursa kojeg provodi posebna komisija u skladu sa propisom organa u kojem se vrši imenovanje, članu 35. tačka b) Statuta Grada Bihaća („Službeni glasnik Grada Bihaća“, broj 13/15 i 13/18), kojim je propisano da Gradsko vijeće u okviru samoupravnog djelokruga donosi Poslovnik o svome radu, te odredbama člana 192. i 193. Poslovnika kojim je propisan djelokrug poslova sekretara Vijeća i postupak postavljanja sekretara koji se provodi u skladu sa zakonom.

Komisija prosljeđuje predloženu Odluku Gradskom vijeću, kako bi o istoj obavilo raspravu i zauzelo konačan stav.

Vijećnik Edin Bašagić – predsjednik Komisije za finansije i budžet

Nakon razmatranja predloženog materijala, Komisija za finansije i budžet je jednoglasno prihvatila obrazloženje predlagача o razlozima za donošenje predložene Odluke, te obzirom da će za realizaciju iste biti obezbjeđena sredstva u Budžetu Grada za 2021.godinu, Komisija je prosljeđuje Gradskom vijeću, radi obavljanja rasprave i zauzimanja konačnog stava.

Vijećnik Asmir Budimlić

Zahvaljuje se Sekretaru Gradskog vijeća Bihać, Zlati Ibrahimpašić i pohvaljuje njen dosadašnji rad.

Vijećnik Alen Zulić

Također se zahvaljuje Zlati Ibrahimpašić i pohvaljuje njen dosadašnji rad.

Vijećnik Edin Felić

Predlaže da se Zlata Ibrahimpašić zadrži u Gradskom organu uprave, dok se ne izabere Sekretar Gradskog vijeća Bihać.

Nakon provedenih rasprava, predsjedavajući predloženi materijal daje na usvajanje.

Prijedlog Odluke o pokretanju procedure i postupku imenovanja na poziciju Sekretara Gradskog vijeća Bihać usvojen je jednoglasno.

***A.d.6. Prijedlog Programa rada Gradskog vijeća Bihać za 2021.godinu
Izvjestilac – Zulfikar Handukić, predsjednik Statutarne komisije***

Asmir Budimlić - Zamjenik predsjednika Statutarne komisije

Pravni osnov za donošenje Programa rada Gradskog vijeća za 2021.godinu sadržan je u članu 75. Poslovnika Gradskog vijeća Bihać („Službeni glasnik Grada Bihaća“, broj 3/16 i 4/20), u kojem je propisano da Gradsko vijeće donosi Program rada za narednu kalendarsku godinu do kraja tekuće godine, a čine ga pitanja iz djelokruga rada Vijeća koja će se razmatrati na njegovim sjednicama.

U skladu sa članom 78. Poslovnika Vijeća, predlagač Programa rada Vijeća je Kolegij Gradskog vijeća koji je na sjednici održanoj dana 28.01.2021.godine donio zaključak da se predloženi Program rada razmatra u formi prijedloga.

Komisija prosljeđuje predloženi materijal Gradskom vijeću, na razmatranje i zauzimanje konačnog stava.

Vijećnik Edin Bašagić – predsjednik Komisije za finansije i Budžet

Komisija za finansije i budžet jednoglasno je prihvatila obrazloženje predlagača, te obzirom da su za realizaciju Programa rada Gradskog vijeća za 2021.godinu, koja uključuje održavanje sjednica Kolegija, radnih tijela i sjednica Vijeća potrebna finansijska sredstva planirana u Budžetu Grada Bihaća, Komisija isti prosljeđuje Gradskom vijeću, radi obavljanja rasprave i zauzimanja konačnog stava.

Kako po predloženom materijalu nije bilo rasprave, predsjedavajući isti daje na usvajanje.

***Prijedlog Programa rada Gradskog vijeća Bihać za 2021.godinu usvojen je jednoglasno.
sa 27 glasova ZA, niko PROTIV i niko SUZDRŽAN.***

Predsjedavajući zatvara treću sjednicu Gradskog vijeća u 13 sati i 15 minuta.

Po ovlaštenju Gradonačelnika
broj:02/1-30-235/21 od 19.01.2021.godine
Sekretar Gradskog vijeća
Elvira Kulenović, dipl.pravnik

**Predsjedavajući Gradskog vijeća
Zulfikar Handukić**

